


3

T5424/7671

CHINESE LIBRARY
HARVARD-YENCHING INSTITUTE
AT HARVARD UNIVERSITY
SEP 29 1939



詩古題

次表初陽

表初陽升於高岡光輝照地萬物既昌
不可裁不可裁也初陽之光也

表初陽升於高岡光輝照地萬物既昌
不可裁不可裁也初陽之光也

表初陽升於高岡光輝照地萬物既昌
不可裁不可裁也初陽之光也

表初陽升於高岡光輝照地萬物既昌
不可裁不可裁也初陽之光也

由拳集卷之三

哈佛大學漢和
圖書館珍藏印

東海屠隆長卿 著

詩古體

杲杲初陽

杲杲初陽升於高岡光輝照地萬物既昌幽谷深
哉不可藏不可藏也初陽之光也

杲杲初陽升於嶠嶰光輝照地萬物既誕天道高
哉不可夷不可夷也初陽之輝也

杲杲初陽升於嶠嶰光輝照地萬物咸潔遠而望

之不可褻不可褻也初陽之烈也

初陽三章章八句

北風淒淒

北風淒淒吹彼中林豕酒既清鼓瑟彈琴

秋天蕭條北雁南征鳴鳩之鳴不如倉庚之無聲
漆以閤揚膏以明戕燭火煌皇不如陰崖之無光

北風三章章四句

懷哉維人

懷哉維人斯人之賢賢而去我其別以年眷焉望
之明星在天

懷哉維人斯人之秀秀而太豕其別已久眷而望
之明星在牖

懷哉維人斯人之親親而去我其別載春眷焉望
之明星在門

懷哉維人斯人之故故而去豕再見霜露眷焉望
之明星在戶

維人四章章六句

五月不雨

五月不雨天道其頗大夫不仁下民則罹余其枯
哉無稿我田禾

余大夫不仁其無以豕民育龍初初飲於河潛玄
雲自東靈雨浹旬饑彼南畝煩子載欣匪大夫繫
維我民

五月二章一章章六句二章章十句

魏嵬泰山

巍巍泰山梁父安矣梁父安矣松栢盤矣
廣岬高哉河水深矣河水深矣遊魚潛矣

堂堂國中大道周矣大道周矣疇不由矣

鴻鵠蚤栖恐懼於羅矣顧瞻四海豕心何矣挾瑟
而歌既樂且和矣既臯且和矣不知其他矣

泰山四章三章章四句末章章八句

煌煌帝魚

皇皇帝魚翼翼翼翼方士脩其德載潔其裳釋菜學
宮賓於天子賓於天子天子是使王事鞅掌女賢
則勞朝辭於庭暮馳於郊

遵彼大河北望嵩嶽女維王人維營于洛

洛邑大國天子之藩銜命以往竣事乃還留滯周
南洛水之陽自春徂夏以雨以霜爾馬玄黃爾車
彭彭匪昔則久匪道里長男子之生經營四方

皇皇帝京三章一章章十二句二章章四句

三章章十四句

雖有斧柯

雖有斧柯不刈豕臺雖有旨酒不宣我懷豕懷如
何志在丘中環堵之宮以鼓以鍾江水清兮可以
揚蓬我心冲融

維瓶之罄維罍之恥維民之罪由余小子歟維
哉若涉於汜慎爾有位無從匪彛無典刑是隳我
心調饑

斧柯二章一章章十一句二章章十句

園有鳴鳩

園有鳴鳩零露在桑春日鳴鑣呼我同行與子道
遙載咏載觴

河廣以浩唼唼其魚有鳧有鶩有荇有蒲灼灼荷
華采采之風波是虞

我登高陵原野湊至委既秀矣藜木茂矣文雉鳴
矣隴阪崎嶇我車後矣

鳴鳩三章一章章六句二章章七句

鴻飛歆真

鴻飛欲冥挂雲羅神龍蜿蜒無大波深山夜行猛
虎夕白日道上畏吏呵君子裴徊將奈何

鴻飛一章章五句

出自都門

出自都門駟馬秋原原楚曠哉風日不溫臨風氣

結黯矣何言一解何言嗟嗟淅落我襟河水初冰

嚴霜被林壯鴈南翔遺此哀音二解哀音則那懷

豕故人故人既遠悲思日新會晤何昔俟河之津

三解河津無梁會晤無期行歌自宣宛轉踟躇搖

搖秋蓬飄風何之四解

鴻鴈嗷嗷

鴻鴈嗷嗷邊彼故林海水何淺人情何深一解世

路艱哉連峰崿我永無堅車行將柰何二解北風

吹林虎嘯懷帝濁河湯湯豈無清溪三解至人無

白華集 卷之二 五
累達者何愛懷哉忠信金石以遊

四解

朝登海門

朝登海門何如連峰玄雲載馳青桂蔚藜

一解 日

夕風微海小變綠手持釣竿暮宿海曲

二解 放歌

煙空連山望皚天風吹裳鴻鴈下來

三解

采芝歌

朝亦采芝芝亦采芝芝生嫋嫋回風吹之倚杖
阿下照清池歸來歸來月在松枝

吳門四

我登吳門遙望綠波長洲逶迤墓田何多

短歌

喬木多陰曠士多懷憂來無端西風嗚哀

一解 無

登高臺以望曠遠浮雲西馳白日何短

二解 晨登

崑侖以臨具茨四海雖廣不容須眉

三解 太行可

登海水難測短褐行歌聲出金石

四解

桂華不實

桂華不實士采虛穀詭避法罔文以相徵張機載
道玄豹于征雖有土圭不能測天人藏丸疑孰知

其端大道不夷菜蔬孔艱行步雖工言咲則難樂
哉旨酒可以延年

述哀操 有引

族孫紹仁自京師回苑東昌道中其妻哭
之哀余聞而悲之為作述哀操

哀極兮無情啼極兮無聲吁嗟胡為兮萬里行驅
騶馬兮燕京返素車兮西陵風沙莽兮黃河水靈
之來兮將焉馮

樊生歌

嗟苑不歸來兮樊生行道哀兮樊生嗟未可苑兮
樊生未可苑兮樊生苑胡為兮樊生爾才藻兮尔
秀天兮尔親老兮爾婦少兮吁嗟乎樊生

荆璞贊

玉和石耶奚以明胡為乎刑胡為乎爭吁嗟乎卞
生

翟節婦贊 有序

客有從京師來者為言翟尚書鸞孫婦某氏生
二十年其夫死婦哭之哀已不哭則絕粒坐夫

樞旁婦父母及諸戚族咸至日夜勸婦食曰若夫無祿死已矣何為自苦若是爾即不守若志非夫子婦也即守若志為未亡人猶夫子婦也柰何死為即死若命會當有盡時見夫子地下未晚也人壽幾何生者惟死是思而子速之無乃非人情乎婦不應第瞑目坐竟日夜不就寢倦則稍坐欠伸狀已復端然不動家人取水漿強飲之齒噤不啟久之氣息漸奄奄以微積十二月竟餓而死京師士大夫及閭巷之民走視如雲屠隆聞而悲之曰嗟乎烈哉翟家婦耶婦即矢志靡他可以無死勸者之言是也而婦竟死過矣雖然世之衰也男子之無剛腸久矣矧婦人哉矧婦人哉朝釋衰絰莫為容華靚面而事西姓者何可勝道有如翟家婦竟死哉且不死水火不死刀鋸而死餓死善矣君子柰何求多於烈婦哉於是乃為之贊贊曰

謂天益夢謂鬼神益荒烈婦之夫云胡以殤匪夫之殤厥為婦殃白日杲杲照彼繁霜人命不延胡

涕而滂飄風搖搖逝波湯湯鬼伯相呼夫子相將
吁嗟茫茫九州豈不樂康他人則樂婦心之傷黃
壚陰冥歸途何良歸來歸來與夫翱翔豈適百年
與天地長吁嗟匪歲則饑匪室無糧絕粒而死死
胡不滅緬邈孤竹義士同行壘婦何所於彼首陽
之旁

十賢贊

余讀史策服膺古人遐想其高風遠致忻然有
當於心即不敢自附執鞭之義每覽玄超足銷
塵鄙乃為之贊

老聃

混元一氣夙秉樞吹萬布德真人是諸遇形為
物來任無隅埋照遊世於虛玄德獨朗众器
為底觀宣示上以惻羣愚世無關尹孰探其珠

莊周

莊生狂言凶懷滴渤其神龍驤其形蠖屈沉幾自
冥馳辯若脫浮雲富貴滓穢萬物天之放民四游
超忽

延阪季子

延陵明德博識多聞達觀天壤特立塵氛精研周
樂妙品人文義附子滅信歸徐忠長松偃壑永遺
清芬

魯仲連

魯連哀哉肅矣音微抱德神滅吐論屑霏東定齊
難西挫秦威功成掉臂千金土灰旁睨六合雲空
曷羅道存丘壑名賢布衣百代遼絕斯人其歸

范蠡

盡有英雄體道合權壬未節內蔡應機外員屈肯泥
土終薄雲天摧吳霸越功伐乃宣朝登朝署夕攬
滿煙盈虛消息大人一采先神龍不繫德近冥玄

張良

賢哉子房雄姿勝美包籠四海拯六宮歟履虎不
嗔從龍取便激昂風雲覆楚登漢三尺可提五等
成春竦身天衢人代是玩

東方朔

東方多端機穎絕倫天丁俳優上帝弄臣濯之紫

海食菘菜齋偶踏宮蓮金馬隱淪戲心侏儒數折
舌人公卿爾汝萬乘常嗔跡類樵樵心棲道真悠
然當世孰知其神

龐八

龐八

栖於庶門其寢不夢其跡不喧仰盼白
云覽生原剝心於寐智去神存亮矣沒沒表也

胡論侯王苟賢斯道彌尊

李泌

鄴侯異一名在紫府養德谷神成功元輔麻姑搔

背至尊枕股竒言匪誕逸氣擡舉五嶽之上終焉

栩栩

蘓軾

吾慕長公粹質温温壯志何曠晚德若昏文驅鉅
海道登天門苑生一了貴賤何言居貧乃肥處薄
彌歆蜉蝣塵壻觀彼無垠

由拳集卷之三

東海屠隆長卿 著

古樂府

易水歌

木葉下兮天雨霜
壯士西去兮易水長
北風烈烈兮吹咸陽

子夜四時詩

折菴臨後園
風煖菴欲咲
人愛菴色妍
儂愛花心好

與歡遊池上荷生滿綠池朱花似歡面素藕似歡
肌

黃昏秋氣涼蘭房燭未滅私語無人知擗頭見新
月

玉階印瑤雪擁爐時並肩纖手撫即背低聲問即
寒

懊儂歌

白日照儂心儂心不可見願持金鐸刀剖出與歡
看

蘭桂非不香不如荼蘼辛他人非不好要非心所
親

隣里解笑儂向人不敢淚亦知歡負儂儂心自不
悔

愛歡如楊柳歡為楊柳花搖搖逐飄風飛去落誰
家

儂心如野葵歡心如春艸野葵只向陽春草處處
好

手持并州刀欲剪紅羅襦羅襦生光彩臨剪刀復躊

白頭吟

白頭吟

白日無回馭黃河無回波
人情愛少年其如老
何

憶昔歸成都當壚何楚楚
拂拭彈絲琴淚下忽如
雨

春華方灼灼秋至而彫傷
婆娑點雙鬢攬鏡恨秋
霜

昔為鶯與鴛今為參與畜
故人既如此新人安得
常

君如白楊花妾如青池藕
藕斷絲纏綿花飛不
回

妾經少年老少年老可知
何不回新歡怜妾少年
出

燕哥行

憶昔初嫁登君堂低眉淺黛
宜豔妝釵頭斜飛金
鳳皇玲瓏雜珮陳鳴璫
春風吹人羅帶香流蘓宛
轉入曲房銀釭照夜宿未
央但願百年長頡頏一

生行樂度季允臨池不羨雙虬央豈知歡愛固難
常良人太年遊朔方賤妾不言心內傷會顰為君
縫衣裳金刀玉尺淚成行送君出門天氣涼明月
照見地上霜君今騎馬遊遠鄉妾願為君紫絲韁
千里萬里隨君旁不然其如關塞長

猛虎行

二儀曠哉大道既夷上天好生萬物歲牲麒麟鳳
皇無不可猛虎何為嗟爾猛虎張牙奮爪出入驚
山裊萬物皆齧食汝何為馘食人騶虞不踐生州
汝乃攫人充腹腸腹腸雖可飫人命亦可傷溪山
之中白骨荒荒明明上天照下土雷霆下擊艸木
胡不擊爾虎尔亦憐其維元元之民一何苦

董逃行

王侯甲第雲連豪華富貴薰天黃金高齊北斗朱
戶直出南山撞鐘伐鼓朝譟莫弦金多可買萬年
逍遙行樂波前一解清夜星河在門金鐙列照西
園門外車馬若雲出燕賓客入擁美人酒酣妙伎
雜陳一一艷曲陽春二解玄蟬清露灑灑鴻鴈志

在稻糧輝輝皦日高堂挾瑟春風曲房何論募州
朝霜三解長安大道既平朱輪華轂縱衡搖唇五
嶽崩騰眈眈輝光爛盈寂莫身後榮名四解夷齊
西山不足謀英雄得肯多起朱樓威牲芳對鳴鳩
取梟今日遑恤明秋哀哉白骨不收五解

公無渡河

公無渡河渡河無杭河一何廣公一何狂白頭為
公黯淡失光公行被髮踉蹌追望不及徒使妾漢
下而心傷公無渡河渡河者何公愛清流妾畏風
波蛟龍九子如連山之嵯峨公無渡河渡河無方
舟人生亦足樂何必居清流高可登五嶽下可蹤
躡步九州悲哉湘君不足與夷猶公無渡河河伯
爾須水府深黑群龍趨公無鱗甲安能水中居公
無渡河公竟渡濁河湯湯起煙霧妾往從之不識
路公無渡河無使妾心哀公竟渡河渡河何肯歸
來公不歸來賤妾之顏常不開

大堤曲

襄陽大堤平重門開婀娜堤上春遊女堤下臨春

波

佳人捲朱簾
皦日照芳藪
下見襄陽兒
鼓棹春江

好花紅的的
豔殺大堤倡
江風吹蕙帶
聞得綠波香

白馬篇

白馬少年郎
銀鞍錦綉裝
朝辭萬乘出
夕赴青樓倡

揮鞭臨大路
過處生光輝
道逢富平侯
並轡西南馳

稱詩悅鄭女
調笑動胡姬
容華兩相耀
羨殺長安兒

長安多富人
寶馬不敢騎
朱顏會銷歇
天命固存期

芳藪

芳藪威蕤當
彼青春敷榮吐
秀陰益四隣
主人置酒堂上羅
嘉賓嘉賓既集
衆樂畢陳人進
北燕曲奏西秦
挾瑟上堂一一
朱衣而華巾芳
藪臨前楹

紫紅萼對景如此君胡不樂君不樂何不看取芳
豳今日芳明朝霜落葉黃人生榮華安得長芳豳
不飲無為北風烈烈悲枯葉

豳歌行

明月照綠水垂柳夾朱樓妾住長千里夫壻大長
種

翡翠鳴前庭春日臨鏡臺回頭願歡笑却是小姑
來

妾愛黃鳥聲郎愛青驄蹄青驄得得去黃鳥日日
啼

朝回臨曲池與郎歌回波池風能滅燭光暗徑舒
荷

妾薄命

邯鄲廣陌莎長重門結構文窓妾家綠水橫塘十
五工為豳妝妙手善刺妃央體弱不勝明璫脩眉
霞彩朝陽行步光輝照梁春日城隅採桑聯鑣列
騎成行綽約不數妖倡一解秀色何人不憐歌舞
妙絕邯鄲千金白璧相鮮五色如雲錦解與城

南少年 二解 少年家本王侯貯妾大宅高樓簾幕

珊瑚作鈎後園藤蔓愚果會菴文杏相糾下胥金

塘綠洲上有翡翠斑鳩入挾錦瑟筇篴出擁銀鞍

紫駟行樂萬歲千種 三解 千秋萬歲與君逍遙聊

樂永實豈知世事浮雲僂僂絳衣縞裙為歡春復

一春朱樓芳釭漂淪容華零落草根昨日蕩子從

軍 四解 良人一去遠方白苧條下天霜錦衾夜捲

秋涼園林木乾葉黃不覺枯死蜩蟬玉琴罷彈清

啻十指可以縫裳夜長燈燭無光攬衣仰睇河梁

五解

行路難

天上白玉堂僂人雲錦裳虎豹伺九關安敢順風

翔東南風波惡西北隴坂長人心藏九疑浮雲變

曾共靈均秉直道努力事懷王忠信不見諒去去

沈江湘精誠誓皦日冤氣感繁霜孔聖戒臨河豈

是川無梁少年盛膏沐回睇生輝光秋至逐飛蓬

中踞以旁皇執扇歌班姬前魚泣龍陽不信長門

人寵愛管專房朱顏不可保主恩安得常

烏棲曲

鴛鴦瓦白月上來蕙艸微風裙帶開朱門露濕葳
葳社鑰城頭烏棲月欲落

窻前霜落剪刀冷夜按錦衾即不醒楊柳烏啼天
欲明送君鼓柁下江陵

即今少年好遠遊恨無綵線繫蘭舟青溪小姑不
相識問儂何故淚沾臆

有所思

有所思思君何慊慊妾棄居中野兄嫂笑我父母

相憎嫌風霜欺髮髮塵埃漫滅珊瑚簪為君勤紡
績日夜斷一縑出門浣溪水水清愁殺人朱顏為
之枯蝨眉為之顰君思日故思情日新願君如太
陽回光照妾身

雉子班

雉子班澤中飛且鳴汝飛不能過十丈安得與黃
鵠遊青冥黃鵠語雉子汝飛不能過十丈豈飛一
舉凌烟空吾將銜汝去遊戲碧雲中雉子謝黃鵠
吾寧飛十丈不願雲中居天路雖可戀未若南山

隅

臨高臺

臨高臺望遠水水邊日落黃烟起三山突兀生眼前
前大海波濤幾萬里側身天地俯仰漫漫吾生何
所須悲哉歷昏旦百年之內憂愁居其半行思坐
語以浩歎

釣竿歌

釣竿何嫋嫋漁者行盤盤大道開九衢塵沙浩彌
漫行逢路人嗔車馬聲相謹路人且勿嗔手中有

釣竿

隴頭水

隴頭有流水日夜流湯湯流水一何駛隴阪一何
長邊地風沙肅故園春草芳啼殘金閨月戍老鉄
衣霜

折楊柳

楊柳綠依依春風吹婀娜長絲復短絲垂鞭繫青
驪折以寄征人道遠關山多芳春覆繡閣霜露下
金河楊柳既如此人其將柰何

關山月

關山月流影照金閨金閨既寂寂關山重淒淒露
侵羅衣濕花壓玉釵低鷄鳴滄海曲星沒絳河西
良人萬里外小婦數行啼翡翠今飛去何由並蒂
棲

紫騮馬

長安紫騮馬蹀躞破春烟銀鞍何翕艷金絡復嬌
然塢外天飛妒樓中嬌女憐盛年應自惜歡賞芳
春前

劉生

遊俠重三秦微軀可借人肯負將軍諾寧辭丞相
嗔飛花嬌寶騎芳草暎文裊不向沙塲且誰知百
戰身

投擲歌四首

一雙姊妹髮覆額櫻桃點下顰相得阿姊嫁與二
千石妹嫁城南賣餅客
東家女兒花滿頭西家女兒髮無油富貴貧賤兩
不羞不看溝水東西流

大家女子來上墳
杏黃衫子茜裙翻
玉壺清酒澆
剗根拜罷歸家過廟門

湖頭小婦日擔藕
短袖盈盈露雙手
卽君遠出黃
河口小嬾採蓮供阿母

陌上桑

春風吹廣陌
邠邠百草芳
戴豚啼桑林
城隅夾橫塘
天晴風日好
羅敷出采桑
米桑何裊裊
素手自提筐
縞裙耀白日
羅袖當風香
觀者絲如堵
蛭眉不一揚
使君南來客
五馬生輝光
對面調羅敷
停車大路旁
珍珠寧論斛
錦繡疊成箱
夫人何自苦
春花易秋霜
白璧如不惜
願下千金裝
羅敷含態語
使君何未量
使君有珠玉
羅敷有糟糠
君將錦製帶
妾以布為裳
黃荆可作釵
何必金鳳皇
白苧可裁衫
何又繡襦裳
妾夫為小吏
位頭府中翔
使君五馬貴
揚揚上高堂
貴人雖則貴
良人亦自良
路旁看使君
五馬爛生光
五馬不生光
願君回未照
流影向君房
君如白楊花
妾如秋桑葉
桑葉委沙泥
楊花飄綉閣
人生不有命
貴賤各相合
妾不

美使君使君豈美妾

短歌行

花開青陽木落空霜手秉華燭莫上高堂少年何
知踪跡太奇氣吞滄海泰山猶卑大運不至屈
佐眉長弓射兔寶刀刈葵頭顱種種今我何為落
落長松化為枯蓬蛟龍無雲猛虎無風天命如此
枉用英雄有客在門有酒在尊君如不樂日月西
奔

銅雀臺

英雄阨大運富貴終蒿萊西陵不可望寶劍亦成
灰白雲崩墓道寒月慘歌臺人去松楸暝天空鴻
雁哀

秋胡行四首

鴛央戲春波小大必有雙妃央戲春波小大必有
雙自非頡頏同遊不親家有糟糠豈願他人回何
臨大道停車輪堂上有阿母胡不蚤還家少小結
髮恩愛如搏沙歌以言志此央戲春波一解婦人
抱貞心採桑養舅姑嬾人抱貞心採桑養舅姑夫

君仕宦一出五年他人有金妾心不憐採桑力作
可以無饑寒歌以言志嬾人抱貞心二解秋胡奉
黃金堂上阿母呼秋胡奉黃金堂上阿母呼呼嬾
不出泣下蘓蘓向見國卿誰知即秋胡須臾嬾至
乃是桑間姝夫一何慚婦一何怒低眉上堂相見
不一顧歌以言志秋胡奉黃金三解良人太無良
徒然稱國卿良人太無良徒然稱國卿有夫如此
安用生哀生哀玉質自投清流輕薄之子恥與儔
清流易竭婦恨何時休歌以言志良人太無良四解

善哉行

來日大難地老天荒花開不飲葉落空傷一解秦
望三山以臨洪波金棺之下白骨戔戔一解富貴
無常飛雲流霞時移運去王侯種瓜三解人有羨
酒天有良宵何以為驩打鼓吹簫四解嗚嗚豈誕
沉冥不昏客來咲歌客去閉門五解世人無端盛
傳八公起視茫茫白雲在空六解

艷歌行

妾本小家女邯鄲城外住的的水中蒲盈盈花上

露雙蛾揚綠烟青絲飄香霧村妝亦自理佩服尚
縞素選入趙王宮列在三千數雖有嬋娟姿終乏
卽卽步歌舞讓他人羞顏詎堪顧抱瑟不成聲度
曲常多誤君王既未知出為廝養婦楊花逐飄風
棲泊經長路初從下蔡歸復向吳閭去流落在泥
塗鞍馬不得駐妾命固應爾含情待誰訴

玉階怨

上
睡起殿西頭春風飄羅帳虫絲與鳥跡一一青苔

子夜歌十首

言
少小與郎親闔州向西園如今十三四近眉不肯

口
儂欲採茶蘼藤蔓傷儂手郎君儂不憎儂憎少年

上山提竹筐見兔疑是狼露下地央瓦夜夜不成

霜

小女學織機十指按春羅阿姊來相調戲擲手中

梭

為愛明月光清夜花間立回房阿母嗔因何羅襪
濕

荷花生池中可望不可攀驟雨落荷葉明珠顆顆
圓

即來看花嬉花下暗嬉子妾今已三眠蠶老抽絲
死

兩小相遊處纏綿不忍離老奴如有意須遣阿爺
知

種花種天菝慎勿種芍藥好花不結子春殘空自
落

即君隔東墻語笑花陰旁小姑解挑撻偷取紫羅
囊

白石郎曲

白石郎廟臨溪金爐無烟紅日西

芳艸盈門青松夾道江路盤迴人跡罕到

青溪小姑曲

女郎所居碧瓦朱甍芳藪扶踈上冑紫藤

三洲歌

同舟載好嬾來往三江頭乘月飲美酒酒酣彈箏篴
來亦無所悲去亦無所悲艤中携宅眷何用思家
為

夜度娘

有月霜露冷無月煙霧昏霧昏猶自可月冷照羅
裙

江南弄

佳人湖上櫂輕軻蘭棹雙雙撥綠波口中微微吟
吳歌吟吳歌清且哀妃央飛屬玉來

採蓮曲

湖頭採蓮日莫歸蓮花香氣薰儂衣寶釵綽約容
光輝容光輝耀明月神女窺遊魚滅

鳳笙曲

參差宛轉鳳皇聲彈者恐是董雙成霞衣雲帔烟
冥冥烟冥冥細流響心自知心自賞

龍笛曲

簟簟斑斑湘女痕寥寥夜叫水龍魂石裂江空雲
霧奔雲霧奔湏臾定又不見水如鏡

四時白苧歌

黃鳥和鳴紫燕翔
鴛鴦央瓦上
落春霜
雕檐畫棟生
初陽綠楊裊裊垂
金牕佳人早起調
銀簧輕羅半捲
雙蛾揚春風
自來吹明璫
稱詩調曲歡未央
青山各沓路逶迤
上有高臺下曲池
綠龜紫鱉遊
青溪荷花菱葉亂
參差媚娟纖
指摘芳艸起拈玉
管吹涼颼東方月上日
欲西歌殘曲罷
佞顰眉
金氣應節涼
颼回木葉乍響
候虫催不覺
白露下
青苔西園花盡野
蓼開蛺蝶飛
去熠燿來
美人紈扇歌
正哀夜長銀燭明
瑤臺雕闌玉砌
自裴徊
紫紵錦毳花蒙茸
含情含態纖且裊
蘭房溫室無
朔風攪瑜匣
地爐火紅停盃
送目曲未終
茲歎流響
搖寒空
但願歡娛千歲同

荆軻歌

荆卿薄舞陽
匕首挾秋霜
殺氣衝寒日
悲風下大荒
綉柱猶堪遶
金屏不可防
燕寇飲恨沒
秦艸逐年芳

胡姬年十五

寶馬飛花赤單衫杏子黃王孫輸玉玦國士下金
裝粉裹眉痕淺衣薰蘭氣香提壺量酒罷愁坐惜
春陽

結客少年場

白馬簇朱纓霜刀耀日明大兄為部解小弟是荆
卿力縛南山虎手斬東海鯨三盃生意氣目決秋
雲崩彈碁復擊劍都市萬夫傾捐金滅踪跡殺人
田姓名取酒壚頭醉鳴鞭塞上行咲奪都護幟戲
斫伏波營五侯盡爾汝何況於老兵黃沙埋白骨
俠氣尚縱衡

行路難四首

君不見石家金谷花滿園須臾野蔓生荒原君不
見魏武銅臺走牛羊晉日金釵歌舞場時未屠沽
取卿相運去英雄沒草莽李斯黃犬空悲辛青門
不及種瓜人烏盡弓藏泪盈掬何如垂釣淮陰曲
富貴亦不快貧賤亦不憐烹羊宰牛進美酒咀宮
會羽彈哀絃坐愁行歎爾何用我生有命應在
天

山行畏兕虎水行畏風波
咲中藏裂臂姐上尋干
戈手提青銅登酒樓蒲萄
向君歌不休囊空蕭索
髮如絲悠悠不數路旁兒
賓客盡去魏其家賢豪
忽入平津閣昨日車馬如
遊龍今日門前可羅雀
君看爽李委芳塵對酒當
歌胡不樂

老醜君莫歎朱顏皓齒君
莫歡落花飄風向濁水
東西曲折隨波瀾無鹽垢
面回首飛蓬龍輿鳳輦登
王宮明君玉貌嬌如花
蛛眉萬里埋風沙王孫富
貴金塗九東方先生苦飢
寒五侯道上驅駿馬處
士老妪蓬蒿下豕歌行路
請弗喧古來如此今何

言

吾羨范大夫功成方霸越
自載西施出五湖吾羨
張季鷹生前一盃酒不用
區區身後名口不挂是非
心不挂榮辱階前春至生
青苔堂上更長剪紅燭
行路難君知否日月經天
東復西人生得意須
回首

採荷調

渚月清可憐湖風涼不禁
蓮花比妾面蓮子比儂心

江皋曲

卽舟往江北儂舟往江東雙帆相並過只是隔芙蓉

春江行

春水綠如染白石何磷磷歡舟杳然去江花空映人

暎水曲

明月照板橋美人橋上坐風吹涼水搖忽訝金釵墮

登樓曲

登樓望河漢香霧空氤氳蛾眉作新月龍笛吹長

雲



